

30.06.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquaqarpunga:

Naalakkersuisunut apeqqutit:

- 1. NATO-p ataatsimeersuarneranut Naalakkersuisoq ataasiinnarluunniit peqataangimmat paaserusunnarpoq Danmark-ip, USA-p, allalluunniit peqataanginnissamut kaammattuuteqarsimanersut, taamaangippallu peqataaffigineqarnissaata pingartinneqarsimannginneranut suna tunngavilersuutigineqarpa? Periarfissaqannginnerassagaanni taava pingaarnersiuiinnermi sooq pingaannginnertut inissinneqarsimaneranut nassuiaatigeqquneqarpoq.**
- 2. NATO ataatsimeersuarnerata ulluni Nunanut Allanut Ilisimatusarnermullu Naalakkersuisoq Vivian Motzfeldt (Siumut), Naalakkersuisut ullorsiutaanni tamanit takuneqarsinnaasuni ulluni taakkunani sumilluunniit pilersaaruteqanngilaq. Taamaakkaluartoq tusagassiorfimmi Sermitsiaq.AG-mi imatut nassuiaateqartoqarsimavoq *“naalakkersuisoqarfimmit ilisimatitsissutigineqarpoq Vivian Motzfeldt peqataasinnaajunnaarsimasoq piffissaliussat akimmiffeqartitsineri pissutigalugit”*¹. Naalakkersuisoq pineqartoq, Naalakkersuisullu allat tamavimmik, ulluni taakkunani sumiippat suullu ingerlassamaarlugit pilersaaruteqarpat? Maluginiaqquneqarpoq Naalakkersuisut tamavimmik ullorsiutiminni susassaqanngitsutut allassinneqartut.**
- 3. NATO ataatsimeersuarnerani Danmark-ip Naalakkersuisuisa Kalaallit Nunaat eqqartorpaat?**

(Inatsisartunut ilaasortaq Pele Broberg, Naleraq)

Tunngavilersuutit:

Nunanut Allanut Ilisimatusarnermullu Naalakkersuisoq periarfissaqannginnerarpoq, naak ullorsiutaani pilersaaruteqarani, taamaammatt apeqqutit ingerlateqqinneqarput.

¹ Nutaarsiassaq najoqqutarineqartoq (27-05-2025): <https://kl.sermitsiaq.ag/inuiaqatigiit/kalaallit-nunaata-usa-llu-akornanni-naapinnissaq-suli-pissanngikkallarpoq/2249870>



Apequtigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.